



9086 18

Broj: 06-11-3501/23-4

Ilidža, 17.07.2023.godine

Na osnovu člana 70.Zakona o javnim nabavkama ( «Službeni glasnik BiH» broj 39/14 i 59/22), i preporuke Komisije za javne nabavke, donosi se

## O D L U K A

### O IZBORU NAJPOVOLJNIJEG PONUĐAČA ZA JAVNU NABAVKU BROJ 61/23

I

Ponuda ponuđača **URBIS CENTAR d.o.o, Bulevar V. Stepe Stepanovića101a, Banja Luka** u iznosu od **37.910,00 KM** bez PDV-a, proglašava se najpovoljnijom, za **JN 61/23 Izrada izvedbenog projekta za „Vrtić Lužani“.**

II

**Ponuđač URBIS CENTAR doo**, obavezan je u roku od 5 dana od dana prijema ove odluke ugovornom organu dostaviti uvjerenja iz člana 45. stav (2) tačka a), b) c), i d), Zakona o Javnim nabavkama.

III

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji.

### O b r a z l o ž e n j e

Na osnovu odluke o pokretanju postupka broj 06-11-3501/23-1 i obavještenja o nabavci broj 888-1-2-151-3-144/23 od 20.06.2023.godine, pokrenut je otvoreni postupak nabavke za **JN 61/23 Izrada izvedbenog projekta za „Vrtić Lužani“.** Ponude su blagovremeno dostavili **ATRIJ d.o.o, ARHLINE d.o.o, ROUTING d.o.o** i **URBIS CENTAR d.o.o.** Na osnovu pregleda i ocjene ponuda utvrđeno je sljedeće:

Ponuda **ATRIJ d.o.o, Kneza Miloša 40/7, Doboj**, se ocjenjuje kao neprihvatljiva iz razloga što ponuđač nije dostavio valjane dokaze za traženu tehničku i profesionalnu osposobljenost. Naime, Tenderskom dokumentacijom je zahtjevano da se kao dokaz o ispunjavanju tehničke i profesionalne osposobljenosti dostavi sljedeće: *spisak izvršenih ugovora u posljednje tri godine ili od datuma registracije, odnosno početka poslovanja, ako je ponuđač registriran, odnosno počeo sa radom prije manje od tri godine, sa potvrđama izdatim od druge ugovorne strane o uredno izvršenim ugovorima. Potvrda o uredno izvršenim ugovorima mora sadržavati sljedeće podatke: Naziv i sjedište ugovornih strana ili privrednih subjekata; Predmet ugovora; Vrijednost ugovora; Vrijeme i mjesto izvršenja ugovora; Navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju.*

Imenovani ponuđač je dostavio samo spisak izvršenih ugovora a propustio je da dostavi Potvrdu/e druge ugovorne strane o uredno izvršenim ugovorima što je u skladu sa članom 48 ZJN zahtjevano Tenderskom dokumentacijom.

Ponuđač je propustio da dostavi i tražene diplome, listing osiguranih lica ili izjavu za lica iz tačke 2.4.1pod b) Tenderske dokumentacije odnosno nije dostavio dokaze propisane u tački 2.4.2 pod b) Tenderske dokumentacije u skladu sa kojom je bio obavezan dostaviti: *Diplomu o stečenoj stručnoj spremi; Uvjerenje o položenom stručnom ispitu; Uvjerenje ili potvrdu o radnom iskustvu u struci ( izdaje poslodavac kod kojeg je zaposlenik stekao radno iskustvo), te ukoliko su zahtjevani diplomirani inženjeri stalno zaposleni kod ponuđača, ponuđač je bio dužan dostaviti spisak stalnih uposlenika ne stariji od tri mjeseca računajući od krajnjeg roka za*



Butmirska cesta br. 12. Sarajevo, BiH, tel/fax. +387 33 637-862, centrala 775-600  
[www.opcinailidza.ba](http://www.opcinailidza.ba), E-mail: [javne.nabavke@opcinailidza.ba](mailto:javne.nabavke@opcinailidza.ba)



dostavu ponude izdat od nadležne institucije (Zavod PIO/MIO ili Porezne uprave), a ukoliko su angažovani kao spoljni saradnici ponuđač je dužan dostaviti ugovor ili Izjavu kojim dokazuje da će iste imati na raspolaganju za angažman na poslovima koji su predmet ove nabavke. (Izjava treba biti potpisana i ovjerena od strane ponuđača).

Ponuda ARHLINE d.o.o, 25 Novembra ZAVNOBIH-a 5, Kalesija se ocjenjuje kao neprihvatljiva iz razloga što ponuđač nije dostavio valjane dokaze za traženu tehničku i profesionalnu osposobljenost. Tenderskom dokumentacijom između ostalog u tački 2.4. 1 pod b) traženo da Ponuđač za realizaciju ugovora mora imati na raspolaganju najmanje: jednog diplomiranog inženjera arhitekture ili bachelor arhitekture sa minimalno 240 ECTS bodova sa položenim stručnim ispitom i pet godina rada u struci; jednog (1) inženjera građevine (konstruktivni smjer) sa položenim stručnim ispitom i najmanje 10 godina rada u struci.; jednog (1) inženjera građevinarstva (hidrotehnika) sa položenim stručnim ispitom i najmanje 5 godina rada u struci; jednog (1) inženjera elektrotehnike (visokog napona) sa položenim stručnim ispitom i minimalno 10 godina rada u struci.; jednog (1) inženjera elektrotehnike (niskog napona) sa položenim stručnim ispitom i minimalno 10 godina rada u struci ; i jednog (1) inženjera mašinstva (HVAC) sa sertifikatom o stručnom ispitu i minimalno 10 godina rada u struci. Kao dokaz o ispunjavnju navedenog uslova propisano je da se kao dokaz treba dostaviti za lica iz tačke 2.4.1 pod b): Diploma o stečenoj stručnoj spremi; Uvjerenje o položenom stručnom ispitu; Uvjerenje ili potvrda o radnom iskustvu u struci ( izdaje poslodavac kod kojeg je zaposlenik stekao radno iskustvo). Ukoliko su zahtjevani diplomirani inženjer građevine/arhitekture ili bachelor građevine/arhitekture kao i ostala lica iz tačke 2.4.1 pod b) stalno zaposleni kod ponuđača, ponuđači su dužni dostaviti spisak stalnih uposlenika ne stariji od tri mjeseca računajući od krajnjeg roka za dostavu ponude izdat od nadležne institucije (Zavod PIO/MIO ili Porezne uprave), a ukoliko su angažovani kao spoljni saradnici ponuđač je dužan dostaviti ugovor ili Izjavu kojim dokazuje da će iste imati na raspolaganju za angažman na poslovima koji su predmet ove nabavke. (Izjava treba biti potpisana i ovjerena od strane ponuđača).

Imenovani ponuđač je samo za inženjera arhitekture dostavio traženu dokumentaciju. Ponuđač je dostavio i izjavu da će imati na raspolaganju lica sa stručnom spremom traženom tenderskom dokumentacijom, ali je propustio da dostavi tražene diplome i uvjerenja za lica zahtjevana tenderskom dokumentacijom.

Obzirom da su preostala dva ponuđača ispunila sve uslove iz tenderske dokumentacije, na osnovu kriterija "najniža cijena," Komisija za javne nabavke utvrdila je konačnu rang listu ponuđača kako slijedi:

1. URBIS CENTAR d.o.o, čija cijena ponude bez PDV –a iznosi 37.910,00 KM
2. ROUTING d.o.o, čija cijena ponude bez PDV –a iznosi 46.900,00 KM

Imajući u vidu navedeno, Komisija je predložila Općinskom načelniku donošenje odluke o izboru ponude URBIS CENTAR d.o.o. kao najpovoljnije, te je odlučeno kao u dispozitivu.

#### POUKA O PRAVNOM LIJEKU

Protiv ove Odluke ponuđači imaju pravo da izjave žalbu u roku od deset dana od dana prijema odluke. Žalba se izjavljuje URŽ-u putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u tri primjeraka.

OPĆINSKI NAČELNIK

Nermin Muzur, magistar uprave

#### DOSTAVLJENO

1. Ponuđačima
2. Služba za komunalne poslove i infrastrukturu
3. Kabinet Općinskog načelnika
4. Služba za zajedničke poslove (za objavu na WEB)
5. a/a

Izradio Almedin M

Kontrolisao Benjamin M

